

文忠門與舒國眉山並登作者之壇  
而視古立言之君子無愧色所著諸  
辭章詩賦奏議制誥等醇乎孟軻氏  
以來一人而已于時簡在神宗有曾  
某史學見稱士類之許俾典五朝史  
事先生則網羅舊聞貫穿時政撰次  
以進詔付史館書所載事大體重內  
函夏外裔夷累葉荅宰厝注之微辭  
食貨兵農之口選舉之沿革其他國  
故廷謨纍纍乎若列眉而指掌焉是  
書也雖與形而上者不無差別乃究  
先生實詣所稱有用之文章非耶蓋  
類稿諸編貫道與器學究大全茲亦  
楛致一斑潤色鴻業於是烏在辟左



國二種均屬素臣手筆要以揭日月  
而行終古揆則一耳居嘗謬論先生  
之文先儒一以為本原六經一以為  
雜之三代誥命可相表裏學士述宗  
嚮之而妄者公肆不能詩之謂耳食  
者吠聲未已也惟元儒劉氏堯謂詩  
賦比興先生諸詩賦體為多至

比興到處不減杜陵此取公評第  
食者衆安所得家喻而人命也擬今  
先生無類稿數十卷賦詩與茲集在  
邊不孤行天地間邪抑猶之手耳食  
未也集二十卷先人藏篋中積有歲  
年紙敝墨蠹不敢槩視人頃

廣德令公甯

諱瑞鯉

雅興起斯文表

章遺書語次因及之 侯欽然取讀  
欲梓之邑齋會查溪宗庠敏才行非  
等先生裔也方刻先生全集焉叙于  
侯侯命併成之不佞孔慶一侯能發  
皇先哲而嘉宗人士無忘祖烈之道  
也敬訂而序之俾來者有攷焉

曾文定公鞏自叙畧記



曾氏之先家魯南武城點參皆師事孔子曾元之言  
孫曰樂漢山陰縣都鄉矣至六世孫曰據不仕新莽  
始是國二年領家屬避地豫章居廬陵吉陽子豫遂  
為豫章人據十九世孫曰畧又徙居蘇州畧五世孫  
洪嘗為南豐宰唐末家其地為南豐曾氏之祖鞏世  
家南豐及大人太常公讓官以還無屋庖田園於南  
豈也祖母年九十餘諸姑之歸人者多在臨川故祖  
母樂屋臨川也居臨川者久矣鞏也與諸弟肇輩循  
僑居之學焉東明劉希聲慶曆三年癸未來臨川從子

游慶曆五年配還其鄉過予別與之言曰東明汴邑也子之行間道之所向者以告子子也一趨焉而不息至乎爾肯為一旋焉一遠焉雖不息決不至也子也好問聖人之道亦若是而已矣蔡州汝陽張彥博慶曆四年中為撫州司法奉軍喜從予問道學為文章慶曆五年曲江張又中入太學後二年配過予所居之臨川出其文章因學于予一時所與之遊者甚衆而久中所尤稱者單父吳景初奉禮于于臨川慶曆六年也丙戌民語云臨川城中三月而城東大丘汨為渚天地慘慘無開時常恐蠶死與義丁亥三月十五日慶曆八年戊子九月撫州教授王君盛書晉王右軍墨池六字於楹門以揭之又告子鞏曰願有記十三日曾鞏記



和墨濡筆皆即物處亦號矯首史記老典皆為南臺  
柱下史漢書王莽改置柱下五史皆稱柱下史

東觀稽文責實為勒撰之所漢法天下計書先上太

如古春秋中興以後以班固為蘭臺令史詔撰光武

本紀及諸列傳載記自章和以後圖籍盛於東觀元

撰漢記相繼至於研精覃思謔正得失權輿綱紀之

論總括經緯之條則必窮神於退食委蛇之間夙興

夜寐之際故凡為是官者莫不家有注記自備討論

豈不以事重體大君子之所盡心焉哉厥自遷固各

有家學楊子山為郡上計猶獻哀牢傳得詔詣蘭臺

後漢西南夷傳哀牢章懷太子注引哀 迺若陸賈

中書則明帝時楊子山因上計所獻文 迺若陸賈

亦復身非史職私撰國書史記

家張璠范曄身非史職私撰國書漢陸賈撰楚漢書

二十卷南史范曄傳曰宋元嘉元年彭城太妃薨將

徒祭酒廣夜中酣飲開北牖聽挽歌為樂彭城王

康大怒左遷宣城太守不得志乃刪衆家後漢書

為家之作至於屈伸榮辱未嘗不致意焉漢魏晉宋

四家蓋亦由是言之一代成憲必資草創於前博采

羣言於衆迺能究當世之事備後王之鑑故知為史

之說 皇朝 太祖開運立極握符御天聖神相繼

緝熙文明之治亮采惠疇官得其人通籍史館尤為

慎選凡預論著皆命世大儒博學通識允所謂良史

之才者也南豐曾鞏子因為左史日嘗撰隆平集以

進自太祖至于英宗五朝聖君賢臣盛德大業  
文明憲度更張治具之體文武廢置軍政大小之務  
郡縣戶口風俗貢職之目柴燎祠祀學校科選之設  
宰相百官降王外夷之事分門列傳凡一百六年為  
書二十卷當時號為審訂頒付史館副存于家雖非  
正史亦草勅注記之流也世之學者前古之事靡不  
歷覽至于皇朝典故則往往不知其源或年代差  
舛或名號錯誤事辭失據前後抵牾蓋其所傳不審  
而外之故事雜錄各附聞見國史法禁世莫得聞每  
指紳之士文涉典故則含毫猶豫况於考著譜牒載

述碑頌可使是非無準厚誣當時致惑來世今斯集  
所載五朝之事炳然在目曾大父淄王昔典宗正嘗  
授此書不敢顯祕庶幾宦學君子有所考質嗚呼觀  
臯陶益稷之言知帝堯帝舜之事學者豈不孜孜歟  
紹興十二年四月 日淄國趙伯衛謹序

皇朝通志  
卷之百

隆平集目錄

卷第一

聖緒

官名

郡縣

宮掖

符應


官司

學舍

都城

館閣文書附

寺觀



卷第二

行幸

卻貢獻

節儉

取士

慎名器

宰執

招隱逸

革弊



卷第三

祠祭附封爵

愛民附方藥

戶口

刑罰

典故

雜錄

燕樂

河渠

卷第四

宰臣

范質

王貽永溥孫

盧多遜

宋琪

魏仁浦

薛居正

趙普

呂端兄餘慶

王溥

沈倫

李昉子宗諤

李沆

卷第五

宰臣

畢士安

王旦

王欽若

呂蒙正

向敏中

丁謂

張齊賢

寇準

馮拯

王曾

李迪

張知白

呂夷簡

張士遜

王隨

陳堯佐堯叟堯咨

章得象

陳執中恕父

晏殊

杜衍

龐籍

劉沆

賈昌朝

宋庠弟祁

卷第六

叅知政事

劉熙古

賈黃中

張洎

李昌齡

郭贄

趙安仁

竇偁

王沔

辛仲甫

趙昌言

温仲舒

任中正弟中師

李穆

蘇易簡孫欽舜

李至

王化基子舉

陳彭年

魯宗道

卷第七

叅知政事

薛奎

韓億

李若谷子淑

蔡齊

王駿

晁端慤

盛度

宋綬

卷第八

叅知政事

范仲淹

程琳

程戡

丁度

明鎬

孫抃

吳育

王堯臣

卷第九

樞密

吳廷祚子元

王仁瞻

李處耘子繼隆

石熙載子中

楚昭輔

李宗矩子端懿

弭德超

楊守

張遜

曹彬子粲瑋

楊礪

宋湜

錢若水

張宏

夏侯嶠

柴禹錫

卷第十

樞密

王繼英

王顯

韓崇訓

周瑩

劉昌言

趙鎔

李惟清

王嗣宗

馬知節

周起

曹利用

姜遵

王晦叔

趙積

李諮

王博文子疇

范雍

張耆

張觀

卷第十一

樞密

夏竦

王德用超父

狄青

高若訥

田况

包拯

孫沔

宣徽使

智居潤

張美

潘美

郭守文

雷有終

李用和

郭承祐

張堯佐

卷第十二

王後

周鄭王

偽國

錢俶子惟演

陳洪進

李煜

劉繼元

孟昶

高繼冲

劉鋹

周行逢

卷第十三

侍從

張昭

扈蒙

陶穀

戚綸父同

徐鉉

楊徽之

王禹偁

田錫

邢昺

孫何弟

路振

朱昂

宋白

杜鎬孫

張詠

种放

楊億

卷第十四

侍從

樂黃目史父

劉筠

錢昆弟易易子彦遠

蘇紳

李行簡

馬亮

楊大雅

孫甫

司馬池

張師德

謝絳

李仲容

馮元

孔道輔

段少連

葉清臣

彭乘

王洙

胥偃

狄棐

吳遵路做父

周湛

楊察弟寘

余靖

賈黯

何中

陳從

卷第十五

儒學行義

尹洙

江休復

周堯卿

孫復

石延年

張唐卿

石介

胡瑗

劉頴

王回

劉義叟

徐復

高澤

林逋

代淵

趙師旦

曹覲

孔宗旦

卷第十六

武臣

藥元福

郭瓊

何繼均子承

楊廷璋

王審琦

符彥卿

王金斌孫凱

李謙浦子允正

賀惟忠

姚內斌

董遵誨

王彥昇

趙贊

李漢超

楊美

郭延謂

李懷忠

郭進

武行德

卷第十七

武臣

馬仁瑀

楊鄴子延昭

王彥超

留福

荆罕儒

范延召

王晏

王景

元達

錢守俊

譚延美

高瓊子繼勳

党進

呼延贊

崔翰

解暉

曹翰

翟守素

折御卿

侯延廣

田重進

盧斌

趙延進

康保裔子英繼

卷第十八

武臣

魏丕

安守忠

楊允恭

張承德

柳開

王漢忠

慕容德豐

王繼忠

張凝子昭遠

上官正

周審玉

田紹斌

李重貴

石保吉

王中正

石普

曹克明

李繼宣

荆嗣

卷第十九

武臣

楊嗣

李溥

盧鑑

周美

焦守節

閻守恭

張論

安俊

王信

劉平

石元孫

王珪

耿傳

桑懌

任福

葛懷敏

郭恩

馬遂

景泰

趙滋

李緯

范恪

張亢

种世衡

劉滄

張君平

孟元

馬懷德

許懷德

卷第二十

夷狄

耶律隆緒

趙保吉

唃廝羅

李公蘊

妖寇

王小波

李順

王均

陳進

區希範

王則

儂智高

隆平集目錄畢

隆平集卷第一

南豐曾鞏集 裔孫直校刊

聖緒

聖宋趙姓帝高陽氏之後自漢京兆尹廣漢而下世居涿郡爰及唐季僖祖生焉燕薊之俗尚武時有僖祖以儒學顯終於縣令歷永清文安幽都三邑順祖即其子也少博學有時譽終於御史中丞翼祖即其子也少年慷慨有大志歷營薊涿三郡宣祖即其子也雅尚儒素又勇智過人仕周為將帥終贈太尉太祖皇帝以宋州節度使為始封故國號大宋以火



太祖應德王色尚赤 太祖啓運立極英武睿文神德聖功

至明大孝皇帝宣祖皇帝之第二子母曰昭憲皇太

后杜氏初後唐明宗即位每夕焚香禱天曰臣出戎

狄世亂為衆所推願上天早生聖人與中國為主天

成二年二月十六日太祖生周顯德七年正月三日

統師北征劉筠次陳橋軍士推戴勢不可避四日周

帝遜位 太祖登極以生辰為長春節改元建隆追

尊皇高祖府君謚文獻皇帝廟號僖祖陵曰欽陵皇

曾祖府君謚惠元皇帝廟號順祖陵曰康陵皇祖府

君謚簡恭皇帝廟號翼祖陵曰定陵皇考府君謚昭

武皇帝廟號宣祖陵曰安陵開寶九年十月癸丑宮

車晏駕在位十七年聖壽五十葬永昌陵孝明皇后

王氏孝章皇后宋氏繼孝孝惠皇后賀氏即位後

太宗至仁應道神功聖德文武睿烈大明廣孝皇帝

宣祖皇帝之第三子太祖同母弟晉天福四年十月

七日生顯德七年從太祖北征太祖既為諸軍擁戴

師還

太宗叩馬首告曰諸軍將校若恃功肆行剽略使民

肝腦塗地非順天應人之意願誓而後進太祖遂誓

于衆諸將而下翕然稟命太祖嘉帝英略友愛益至

提行

傳位之意始於此開寶九年十月癸丑即皇帝位是年改元太平興國以生辰為乾明節淳化元年改曰壽寧節至道三年三月癸巳宮車晏駕在位二十三年聖壽五十九葬永熙陵明德皇后李氏即位淑德皇后尹氏懿德皇后符氏並即位元德皇后李氏真皇帝追尊

真宗膺符稽古成功讓德文明武定章聖元孝皇帝太宗皇帝之第三子母曰元德皇后李氏生帝於開寶元年十二月二日至道三年三月癸巳即皇帝位次年改元咸平以生辰為承天節乾興元年二月

戊午宮車晏駕在位二十六年聖壽五十有五葬永

定陵章穆皇后郭氏

即位章獻明肅皇后劉氏

繼章

章懷皇后潘氏

即位

章懿皇后李氏章惠皇后楊

氏並仁宗皇

仁宗躋天法道極功全德神文聖武睿哲明孝皇帝

真宗皇帝之第六子母曰章懿皇后李氏生帝於

大中祥符三年四月十四日乾興元年二月戊午即

皇帝位次年改元天聖以生辰為乾元節嘉祐八年

三月辛未宮車晏駕在位四十二年聖壽五十有四

葬永昭陵皇后曹氏

即位廢后郭氏溫成皇后張氏

貴妃  
追冊

英宗髣乾膺歷隆功盛德憲文肅武睿聖宣孝皇帝  
太宗皇帝之曾孫濮安懿王第十三子母曰仙遊  
縣君任氏生帝於天聖十年正月三日嘉祐八年三  
月辛未即皇帝位次年改元治平以生辰為聖壽節  
治平四年正月丁巳宮車晏駕在位五年聖壽三十  
有六葬永厚陵皇后高氏即位後受冊

符應

竇儼周顯德中與楊徽之盧多遜同在諫垣嘗曰天  
地厭亂久矣丁卯歲五星聚于奎自此太平矣恨不

二拾遺同見之也乾德五年丁卯五星會于奎儼  
果已卒師次陳橋軍中有苗訓者善占候引親吏楚  
昭輔視日下復有一日○晉天福中兩浙民間語必  
以趙字為助如飲曰趙飲食曰趙食之類宋興錢俶  
獨先恭順蓋悟此也○蜀自孟昶位民家質物者  
必書門曰召主收贖及昶末年命翰林學士辛寅遜  
書桃板辭不工昶自題云新年納餘慶嘉節號長春  
及王全斌平蜀朝廷以叅知政事呂餘慶知成都府  
而長春節太祖生辰也江南自晉漢以來民間服玩  
侈麗者或問之必曰此物屬趙寶子又李煜宮女染

碧夜偶不收得雨色益鮮自爾競收雨水以染謂之  
天水碧天水趙姓郡號也

### 都城

東京城以宣武軍節度使治所建周世宗命韓通以  
近甸丁夫增修太祖建隆三年命有司廣皇城東北  
隅按洛陽宮殿圖營繕太宗太平興國四年重立京  
城內外門名二十有五外城門南薰而次十七  
內城門崇明而次八○西  
京古洛邑今與南北京並為別都○南京景德三年  
升應天府建 北京慶曆二年升大名府建

### 官名

通判始於建隆四年命刑部郎中賈玘等充  
湖南道諸州通判乾德四年詔自今事無巨細須長  
吏通判僉議連書僚屬方得奉行太宗朝以宋琪為  
開封府通判是後開封府不復置司寇叅軍建隆間  
置以及第進士九經五經并在銓選人為之其後改  
曰司理五代時兩京軍巡諸州馬步院都虞候判官  
止以開封河南及諸州牙校充選至是改馬步院為  
司寇而兩京軍巡始選任京官○轉運判官開寶六  
年廣南路初除徐澤一員太平興國三年諸路並置  
以武德使副為皇城以開廐使副為崇儀太平興國

中改○文明殿學士太平興國五年因殿名置九年  
殿災改建爲文德殿此職遂廢○以補闕爲司諫以  
拾遺爲正言太平興國六年改○內殿崇班左右侍  
禁太平興國六年置以供奉官殿直有四十年不得  
遷轉故贈此三皆崇班在供奉官之上殿直在侍禁  
之下又改殿前承旨爲三班奉職以天廐使副爲左  
右騏驎雍熙間改○宣政使淳化中置太宗曰宣徽  
使執政之漸非宦者所宜處以王繼恩平李順有功  
故持置此職授之○翰林侍讀學士咸平二年參用  
舊制祿秩次翰林學士以侍讀授楊徽之夏侯嶠曰

文仲以侍講授邢昺唐開元有侍讀其後有翰林侍  
讀學士至五代廢太宗始命呂文仲侍讀寓直禁中  
名秩尚卑故復更制三司使咸平六年復後唐長興  
之制長興中張延朗領其使其後遂廢至是以寇準  
嘗執政故以爲使兼總三部下袞鹽鐵查道度支林  
特戶部竝副使又以判官六員外掌政令奏事又有  
更制使止書檢餘皆副使判官主之○資政殿學士  
景德二年因殿名置殿在龍圖閣之東序時王欽若  
求罷政事屢請不已特置此職以寵之殿學士在翰  
林學士之下侍讀之上是冬又加欽若大學士之稱

在翰林承旨之上○龍圖閣待制景德初閣成因置此職以授戚綸杜鎬大中祥符末又以馮元直龍圖閣待制直閣之名蓋始於此○提點刑獄景德四年置在轉運使副之下而俸給同每路二員內一員武臣帶同字天禧四年改曰勸農事至是提點刑獄亦兼○內殿承制大中祥符二年置在崇班之上○景福殿使大中祥符五年置以授內臣劉承規○發運都監天禧間置○天章閣待制天聖中置景祐間又添置侍講○崇政殿說書景祐元年置以授賈昌朝○端明殿學士景祐初復後唐長興之制以殿為名置此職○觀文殿大學士慶曆七年置時宰相賈昌朝求罷政事除右僕射因以此職寵之仍詔自今曾任宰相者方除○紫宸殿學士慶曆八年因殿名置以授丁度是後不復置

### 官司

事於場建隆間內臣閻承翰以入作司出納積弊建議於都城西置場治此而後授之世以為便○綾錦院乾德五年置之咸平蜀所得錦工六百人隸焉○內藏庫太祖所置謂之景福內庫太宗新其名曰內藏自淳化至景德用兵及郊丘之費不取於民有司

假內藏緡帛六千餘萬每歲多或三百萬少亦不減  
百萬累年不能償詔卽蠲除之真宗景德中命陳彭  
年作記以示宰臣曰此庫乃爲計司備經費爾苟非  
節用能如是邪○以武德司爲皇城司太平興國中  
改○封駁司太宗從魏羽請遵故事復置因命羽與  
領自唐以來凡制詔皆經東臺省審有未便者許封  
駁以聞主之者給事中也咸平四年改曰門下封駁  
事則給事中之職○以匭院爲登聞院太平興國六  
年改置咸平四年改登聞院曰登聞檢院改鼓司曰  
登聞鼓院自是匭函遂廢○天聖間於登聞檢院鼓

即字說

院各以匭函爲檢匣凡言大事朝政闕失或訴寃未  
辨者悉令投檢匣以進卽言涉奇邪無得通聞○以  
天廡爲左右騏驎院雍熙初改○三班院雍熙四年  
置先供奉官以下隸宣徽院其員寢多故別置官司  
考課而陞黜之理欠司雍熙四年詔諸路州郡置○  
以軍頭司爲殿前忠佐司端拱元年改○審刑院淳  
化二年於禁中置以李昌齡知院事凡具獄案經大  
理寺刑部方關審司中覆然後下相府相府又以聞  
始論決○理檢司淳化三年詔於乾元門西北廊置  
復唐制也○天聖中遂置理檢使以御史中丞領之

○審官院淳化四年改考課朝官院爲之其幕職州縣官止曰考課院○國信司景德元年因契丹修好始置止以內臣閤承翰領其事諫院明道初置○都水監嘉祐三年置

館閣文籍附

三館新修書院太平興國三年詔賜名崇文院唐武德中初置修文館隸門下省正觀中建史館於禁中專掌國史開元五年於乾元殿東廊寫四部書置刊定官以麗正殿爲修書史十二年詔學士張說等宴於集賢殿曰集賢卽麗正殿也以修書史爲集賢殿

書院三館之名蓋起於此自是集賢昭文置大學士史館置監修國史皆以宰相兼領又置學士修撰直館校理之職以他官領之昭文館隸門下省史館寓於集賢至梁遷都始以今右長慶門東北小屋十數間爲三館湫隘喧雜太宗卽位顧左右曰此豈所以待天下賢俊耶詔經度左昇龍門東北車府爲三館又敞園圃植花木引御溝水注其中開便門西序備行幸盡遷文籍置焉東廊爲昭文書庫南廊爲集賢書庫西廊分經史子集四部爲史館書庫初乾德中平蜀得書一萬三千卷開寶末平吳又得二萬卷叅



舊書爲八萬卷○祕閣初隸京百司淳化元年祕書  
監李至等言藏書之府漢麒麟天祿閣在未央宮中  
命劉向揚雄典校謂之中書卽內庫書也後漢東觀  
亦在禁中桓帝始置祕書監掌圖書祕記謂之祕書  
魏分祕書爲中書而祕書監掌藝文圖籍後以祕書  
屬少府王肅爲祕書監論不應屬少府因是仍舊而  
蘭臺亦藏書故薛夏云蘭臺爲外臺祕書爲內閣晉  
宋皆有祕書之號晉孝武好覽文藝敕徐廣料祕書  
閣四部二萬卷宋謝靈運爲監補祕閣之遺逸齊末  
兵火經籍散亡隋煬帝寫祕閣二書分爲三品於觀

文殿郎貯之唐開元年於乾元殿東廊寫四庫書以  
充內庫命褚元量馬懷素總其事復以集仙殿爲集  
賢殿內置書院今陛下建祕書閣以藏奇書願頒明  
詔俾與三館同列不隸京百司詔自今祕閣宜次三  
館祕書省依舊屬京百司○唐會要百卷建隆二年  
宰相王溥進德宗時蘇冕撰四十卷武宗時崔鉉又  
撰四十卷溥采宣宗以來故事廣成百卷○開寶通  
義二百卷開寶四年學士李昉進唐開元中徐堅蕭  
嵩等刪定古今五禮百五十卷昉等廣以成二百卷  
開寶通義纂一百卷開寶六年叅知政事盧多遜進

○太平總類太平御覽太平廣記皆太平興國中儒臣李昉等編次○文苑英華一千卷雍熙三年學士宋白等奉詔以前世文章纂成○道藏經大中祥符九年樞密使王欽若刪詳凡三洞四部共四千三百五十九卷欽若言道德隆符乃老君聖祖所述升于洞真部靈寶度人經之次又總爲目錄表求御製序詔從其請賜名曰寶文統錄欽若又言三洞真經者無上大羅天中王京元都祕藏之所蘊也元始命天皇真人象形模寫名曰天書玉篆爲文字之宗由是經錄符圖諸天靈寶遍相祖述故道經爲首焉洞真經洞元經洞神經總百九十二萬四千三百八十卷祕在玉京元都三十三天未盡降世間開闢後已降之經一萬九千九百七十卷梁簡文帝時有六千餘卷唐明皇所撰瓊綱纜三千餘卷徐鉉等嘗校勘去其重復得三千七百三十七卷至欽若又增五百餘卷焉洞真洞元洞神謂之三洞太清太平太真正一謂之四部欽若又於道藏中檢閱神仙姓國姓者四千人事迹以聞詔圖形景靈宮廊廡

郡縣

建隆三年以青州北海縣爲北海軍○建隆四年以

秦州大潭縣治成紀開封府東明鎮為東明縣義州  
山寨鎮為安化縣義州太平與國初改為宜州潭州弘道縣為營

道縣又以潭州江華縣隸道州○乾德二年以襄州

陰成鎮為光化軍以襄州穀城鎮為乾德縣隸光化

軍以朗州桃源鄉為桃源縣以揚州迎鑾鎮為建安

軍割永正縣隸焉○乾德三年以溧州常豐場為常

豐縣衡州安仁場為安仁縣江陵府白汭巡為潛江

縣白口巡為建寧縣萬庚巡為萬庚縣白沙院為玉

沙縣以北海軍為濰州割營丘昌邑并北海縣隸焉

○乾德四年以灌口鎮為永康軍割成都府導江縣

蜀州青城縣隸焉○乾德五年以成都府金水縣

懷安軍割漢州金堂縣隸焉○開寶元年詔隴州置

隴安縣○開寶二年以合州濃洄鎮為廣安軍○開

寶三年以萬州梁山縣為梁山軍滄州無隸縣為保

順軍○開寶四年改密州輔唐縣曰安丘蜀州唐興

縣曰江源壽州盛唐縣曰六安同州奉仙縣曰蒲城

廣南恩唐州曰恩州明州曰南雄州又升揚州高郵

縣為高郵軍○開寶五年以荆門鎮為荆門軍割荆

南長林縣隸焉又改邕州晉興縣曰樂昌利州益昌

縣曰昭化趙州昭慶縣曰隆平○開寶六年以雲安

監為雲安軍○太平興國二年以李繼昇築潞州北  
亂柳九圍中為威勝軍建鎮州成堡寨為平定軍曹  
州定陶鎮為廣濟軍改平南軍為太平軍以蕪湖繁  
昌縣隸焉○太平興國三年以廬州無為縣為無為  
軍以建州邵武縣為邵武軍○太平興國六年以定  
州保塞軍為保州易州太保寨為平寨軍梁門口寨  
為靜戎軍是年改靜戎曰靜安以霸州淤口為破虜  
軍改新鎮軍曰平戎○太平興國七年以江州星子  
縣為南康軍改關南曰高陽關○太平興國八年以  
海門鎮為太平軍以衢州開化場為開化縣雍熙四  
年以廣德軍郎步鎮為建平縣○端拱元年以黎陽  
縣為通利軍以富國場為富國監○淳化元年以大  
庾縣置南安軍以大庾南安上猷三縣隸焉○淳化  
四年以耀州黎園鎮為淳化縣○淳化五年降成都  
府為益州以李順之亂故也以撫州金溪場為金溪  
縣建州崇安場為崇安縣岳州王朝場為平江縣信  
州寶豐場為寶豐縣汀州上杭場為上杭縣武平場  
為武平縣仍舊隸逐州又以石保寨建威寨軍席鷄  
城寨建清遠軍復為瓌州○至道三年建三泉縣為  
大安軍以西縣隸焉降天長軍依舊為縣隸揚州以

揚州六合縣隸建安軍築古原州爲鎮戎軍其謀出於節度李繼隆由蔚茹河路護靈州軍糧因師進壁而還○咸平元年改太平軍爲太平州○咸平三年以嵐州靜樂寨爲靜樂軍○咸平四年以涇州長武鎮爲長武縣仍隸涇州○咸平五年改靜樂軍爲憲州以開封府通許鎮爲咸平縣○景德元年改威虜軍曰廣勝靜戎軍曰安肅破虜軍曰信安平戎軍曰保定寧邊軍曰永寧定遠軍曰永靜定羌軍曰保德平虜城曰肅寧○景德三年升應天府爲南京以齊州章丘縣爲清平軍以洛州高苑縣爲宣化軍以河

學舍

州永安鎮爲永安縣○大中祥符二年改浚儀縣曰祥符升建安軍爲真州○慶曆二年升大名府爲北京○慶曆八年改貝州爲恩州

五代學校不修學者多各從其師是以廬山有白鹿洞書院崇陽嶽麓亦各有書院國朝各賜以書籍大中祥符初應天府民曹誠猶卽戚同文舊學之地造書舍詔賜額曰應天府書院命戚綸之子舜賓主之其後庠序之教興而所謂書院者未之或聞矣武學慶曆二年置於武成王廟

寺觀

建隆元年詔諸道寺院經顯德二年已廢者不得存留其佛像許移置見存留處○開寶三年改封禪寺為開寶寺五年賜峨眉山新寺名光相○太平興國二年改新造龍興寺為太平興國寺因年號報光寺為乾明因乾節三年改廬山東林為太平興國寺西林為乾明寺通玄寺為太平觀九年置啓聖禪院即太宗皇帝降誕之所○大中祥符間在京及仙源縣壽丘竝建景靈宮立聖祖殿仙源縣壽丘建太極觀立聖祖母殿詔天下州軍監置天慶觀仍竝建聖祖殿又改潤州京江中金山曰龍遊禪院是山古謂之浮玉唐正元二十一年江濱獲黃金數鎰詔改為金山有頭陀自稱裴氏至山始創寺咸通中曹確以山名寺偽唐李景保大間改寺名潭心云○治平三年詔應無額寺院屋宇及三十間以上者竝賜壽聖為額因壽聖不及三十間者竝行拆毀

宮掖

建隆初後宮止及二百八十餘人開寶五年水災太祖備諭之曰願歸者以情言得五十餘人賜白金犒帳遣之太宗嘗謂侍臣曰晉武帝平吳之後宮畜數

千入朕以此爲戒宮中妃御掌事輩不過三百人猶以爲多更差擇之後雍丘尉武程上疏願減後宮嬪媵上謂宰臣曰內庭給使亦分掌事有不可去者爾朕固不作離宮別館取良家子充其中如秦漢之君也李昉請加黜責以懲妄言上曰朕曷嘗以言罪人但念程不能知爾真宗卽位擇宮中給事歲深者出之景德元年又令籍宮中止留年高者餘悉放出皆號泣願留上敦諭令中使訪良族聘之宰臣李沆曰此盛德之事也大中祥符元年又遣出百人謂近臣曰亦節用之一端也○仁宗寶元二年放宮人二百十人論輔臣曰不獨矜其幽閑亦省掖廷費也○英宗治平元年放宮人一百三十五人又明年放一百八十人宮人及戚里有留內寺觀爲尼女冠不出者上一日謂宰臣曰欲聽從人可乎韓琦等對曰陛下哀憐及此誠仁政之一端也遂聽其從便

隆平集卷第二

行幸

裔孫

宜孕荷恩問秀二校刊  
辛應祖盛二華一

建隆元年昭義軍節度使李筠叛五月駕幸軍前六月  
筠自焚澤潞平七月車駕還京時筠子守節據上  
黨聞筠死亦降是年九月李重進叛十月車駕幸軍  
前十一月重進自焚十二月車駕還京重進太原人  
周祖之甥在周為平盧軍節度使判揚州至是以揚  
州叛開寶二年二月親征太原五月太常博士李光  
贊上言遂詔班師六月車駕還京○太平興國四年  
二月親征太原先詢曹彬曰周世宗太祖親征何以



不能克對曰世宗以史超敗於石嶺關人情驚擾故  
師還太祖屯兵於甘草地軍人多腹疾遂中止今兵  
甲精銳翦孤壘猶拉朽爾上於是決計四月至太原  
五月隳其城劉繼元始降詔釋之六月駕臨范陽七  
月還京○咸平二年北虜入寇十二月駕幸河北三  
年正月王師告捷車駕還京○景德元年北虜入寇  
十一月駕幸軍前次衛南縣大將李繼隆奏今月二  
十四日敗虜衆於澶州城北虜將順國王撻攬爲王  
師強弩所斃其衆遂遁時虜主及其母同入寇因王  
繼中遂乞修好二十六日駕至澶州虜使韓杞見于

行在十二月車駕還京○景德四年正月駕幸永安  
朝拜諸陵二月幸河南三月車駕還京○大中祥符  
元年十月駕幸泰山行封禪禮辛亥享昊天上帝以  
太祖太宗配三獻畢封金玉櫃壬子禪祭皇地祇於  
社首山十一月幸曲阜縣謁文宣王廟及孔陵林木  
侵道遂降輿乘馬至宣尼墓設奠再拜又加諡齊太  
公曰昭烈武成王建廟青州追封周公曰文憲王建  
廟曲阜縣是月車駕還京往還四十七日未嘗遇雨  
雪○大中祥符四年車駕幸河中府親祠汾陰二月  
丁巳至寶鼎縣奉祇宮辛酉上服袞冕祀后土祇改

奉祇宮曰太寧宮以寶鼎縣爲慶成軍隸河中府又  
改慶成軍寶鼎縣曰榮河縣三月幸西京至永安縣  
謁諸陵四月車駕還京○大中祥符七年正月駕幸  
亳州太清宮奉加號冊寶丙午至真源縣奉元宮上  
齋于迎禧殿戊申上服通天冠絳紗袍進大次巳酉  
行朝謁禮改真源縣曰衛真升應天府爲南京以新  
修聖祖殿爲鴻慶宮二月車駕還京

### 取士

舊制臺閣近已每年得以抱文藝者公薦於貢闈知  
舉官去取不能無所徇建隆四年詔禁止之○開寶

二年詔西川山南荆湖等路所薦舉人並給往還券  
○開寶六年初殿試進士自是爲定制故事禮部放  
榜勅下之日醵錢爲同喜飲於曲江近世多於名園  
佛宇太平興國元年呂蒙正等及第始官爲供帳仍  
賜御詩至道二年張洎以儒行篇刻板印賜近臣并  
新及第人隋大業中始設進士科至唐爲盛每歲不  
過三十人咸亨上元中增至八十人旣而復故開成  
間連歲放四十人俄仍舊制太宗卽位旬日之間放  
進士三十三人經科百九十六人並賜綠袍木簡未  
命官而釋褐新制也咸平三年放進士四百一十四

人并九經而下共一千五百四十六人景德初進士  
遂至七百八十三人自是取人日益盛矣景德以前  
進士及第導從過多景德二年貢院乞令狀元用一  
節兩導餘止雙控馬首遇常參官斂馬側立詔從之  
○大中祥符八年蔡齊殿前第一人及第詔令金吾  
司差七人許出節前引遂爲定○大中祥符五年殿  
試題始賜印及草紙○天聖中初置武舉至皇祐罷  
治平元年復置○制舉自乾德二年至治平應詔人  
無定數

### 訪隱逸

道士澄隱字棲真常山人兼通儒釋典太祖征太原  
還幸其所居問曰師年八十容貌甚少必能養生宜  
以教朕對曰臣養生不過精思鍊氣爾帝王養生則  
異於是老子曰我無爲而民自化我無欲而民自正  
無爲無欲凝神太和軒帝陶唐享國永年得此道也  
上悅厚賜之○王昭素酸棗人篤學有至行鄉人有  
訟不之官府而詣昭素爲之辨折無不敬服開寶二  
年召至命講易年踰八十矣居月餘求歸特授國子  
博士自李穆而下有聞於時者皆其門人也○陳搏  
居華山靈臺觀太平興國間兩至京師賜號希夷先

生上令引至中書宰相宋琪問修養之道搏曰不知也今上言皆究治亂之大旨誠有道仁聖之主正君臣協心治天下之時勤行修練無大於此時年近百歲居華山四十年端拱二年預言其卒以表來上云大數有終聖時難戀命弟子賈德昇鑿石室於張超谷室成而逝搏能逆知人意有華陽隱士李奇自言開元中郎官年數百歲顏如嬰兒行數百里頃刻而至常與搏酬唱人以爲神仙○布衣潘閻常賣藥京師好交結上左右有言其善吟詩者至道初召對賜進士出身國子四門助教未幾追還所賜真宗西祀有言陝州魏野河中李濟皆隱居求志上特召之皆稱疾不起天禧四年二人者繼逝各追贈著作郎仍賜其家粟帛

卻貢獻

淳化中夏州趙保忠獻鶻謂之海東青上曰朕久罷畋遊無所用也還以賜之○景德中文州尚牧獻白御馬一上曰進貢無名命亟還之大中祥符間蒲端國獻崑崙奴上曰異俗離去鄉土可憫也命還之○天聖元年乾元節知寧州職方員外郎楊及以繡佛來獻上謂近臣曰及佞人也民安政舉乃守臣之職

安用此爲命亟還之○仁宗諭輔臣曰川路舊貢織  
繡佛像者悉罷之宰相王曾曰臣忝聞德音所謂不  
作無益害有益也○溫鼎廣州歲貢柑橘及蜜煎菓  
實又致其餘於大臣謂之貢餘宰相王曾請加禁止  
上曰貢且勞矣况其餘乎命亟罷之○英宗卽位于  
闔國遣使貢獨峰駝上曰異物非朕所貴命還之右  
贊善大夫陳世修獻白馬一英宗賜帛五十段仍還  
其馬

### 慎名器

教坊使衛得仁以老乞外官引唐莊宗朝故事與領  
郡太祖謂宰相曰伶人爲刺史亂世事焉可效宰臣  
欲以爲上州長史司馬上曰此亦不當輕授止令與  
太常寺大樂令崇儀使尹繼勳端拱二年敗北虜於  
唐河殺其皮室相公射虜將于越中臂虜衆大潰相  
蹂踐而死者不可勝計時李繼隆護糧虜騎行將及  
因是獲免策功止加洛苑使長州刺史唐制郊祀行  
慶止進勳階五代肆赦例遷官秩宋初因之未暇革  
去右司諫孫何起居郎耿望言其非制真宗嘉納遂  
定三年磨勘進秩之法郊禮止加散官勳爵景德初  
李繼隆石保吉敗北虜於澶淵斃其驍將捷覽飲至

行賞繼隆而下止加勳階食邑○真宗嘗語輔臣欲省費用減吏員宰臣向敏中曰太祖太宗朝閣門祇候止三五員今踰數百除授未已願慎擇焉上曰相承爲例當漸省之○魯國長公主以醫官使趙自化醫術有效請授尚食使兼醫官真宗曰元份嘗有請已諭其不可今乃復爾命樞密院召自化戒之○樞密使副張士遜求以子友直爲館閣校勘仁宗曰館閣所以待英俊可以恩巧乎上命友直於館閣讀書遂詔校勘無得增員仁宗謂輔臣曰圖書之府所以待賢俊而備討論也比來公卿之族多以恩澤請殆非講延之意也其詔自今輔臣兩省侍從不得陳乞子弟親戚爲館閣官其進士及第二人以上亦考所進文召試入等始得除○駙馬都尉柴宗慶求爲使相仁宗問輔臣曰如何宰相王曾對曰先朝石保吉魏咸信皆歷行陣有勞晚方除使相且將相之任繫國重輕豈容私請上曰朝廷名分何可妄求卿等可忍宗慶諭之○杜衍爲宰相凡內降與恩澤者少積至十數於上前面納仁宗語諫官歐陽修曰外人知杜衍封還內降邪朕居禁中有求恩澤者每以衍不可爲告而止者多於所封還也○章懿太后弟李

用和長子璋既爲閣門副使次子珣又求任通事舍人仁宗諭之曰朝廷爵賞所與天下共也戚里之家兄弟遷補皆如已欲使朕將何以待諸勳舊乎○章惠皇后弟汝舟兵馬總管楊景宗乞爲郡仁宗以其累犯法復起曰朕於景宗何愛一郡然貪虐之性老而益甚使爲郡則一方受弊矣○張堯佐爲三司使言者慮其遂大用也力爭攻之上諭輔臣曰自今后妃之家毋得用爲執政著以爲令翰林侍讀學士張瓌判吏部流內銓其子郾城主簿庖民鎖試未嘗考功補考而又考限未至同判銓翰林侍讀學士范

今則以隨身曆爲證而不取審狀書考移令瓌雖礙親不預其事然知其故而弗止英宗以問輔臣皆言瓌可勿劾上曰瓌私其子可不顧銓法耶命特奪一官降知濠州鎮亦坐贖金○英宗皇帝患吏員猥多乃詔待制以上六周年中書取旨轉官至諫議大夫止京朝官竝四周年與磨勘至前行郎中止少卿監以七十員爲額於前行郎中先補官者補其闕酬賞及特恩不在此限

### 革弊

五代以來天下郵傳皆役平民建隆二年始命以軍

人代之五代時使臣往來及輦運官司皆役僑居人戶謂之過夫建隆三年詔禁止之○五代承唐季亂離之後國用窘感故冬服止及將相翰林學士諸軍大校建隆三年初賜文武常參官太平興國二年十月朔詔賜百官諸軍校百夫長以上及遣使齎賜藩鎮州郡冬服自是以爲常五代以來領節旄者多武夫悍卒所至必補親吏代判緣是爲姦民被其患乾德三年詔諸州長吏或藉人代判者於賓幕內擇公幹官不得復任元從人○五代以來衣服旗幟止以綵績開寶四年郊禋初易以繡衣鹵簿內臣李承進

建隆三年詔諸州長吏或藉人代判者於賓幕內擇公幹官不得復任元從人○五代以來衣服旗幟止以綵績開寶四年郊禋初易以繡衣鹵簿內臣李承進

每次近郊禁屯衛士必控馬首曰兒郎輩寒冷望陛下與救接莊宗隨所欲給之如此者非一晚年蕭牆之禍由賞賚無節威令不行也太祖歎曰二十年夾河戰爭不能以軍法約束此輩誠兒戲○開寶四年郊禋優賞三班殿直搗登聞鼓援御馬直例上遣中使謂曰朕之所與便爲恩澤豈有例邪盡戮搗鼓者四十餘配許州驍捷自都指揮使尹進而下竝杖而降籍初平蜀日選孟昶親兵一百二十人隸殿前司謂之三班殿直至是遂廢○堂後官五代以來擇用



諸司人吏倚法徇私莫可檢察開寶末始詔流內銓  
擇選人令錄與升朝官判司簿尉與上縣令俾充是  
選其後止以諸科出身人充漢乾祐以來天下令錄  
判司簿尉竝據所請俸折支物每一千分兩戶俾月  
輸緡錢除二稅外與免徭役謂之俸戶開寶九年太  
祖卽位始詔罷之○親從指揮使馬翰稱京城有賊  
願自緝捕真宗謂輔臣曰朕尹京日聞翰以緝捕爲  
名頗爲民害事未彰露姑置之自今捕盜止委開計  
府可也

### 節儉

太祖嘗閱孟昶宮中物有寶裝溺器遽命毀之曰以  
此奉身不亡何待○太宗未嘗御新衣樞密使王顯  
等侍數視上袴上怪而問之對曰陛下袴紋縷皆倒  
上笑曰瀚濯頻故爾朕念機杼之勞且欲化天下以  
儉也○油衣庫言帶幘損弊者數萬請毀棄之太宗  
命煮染雜色成旗幟數千它日有司又以營繕棄材  
請給甄官薪上命擇其可用者成什物數千分賜宰  
相李昉等咸相顧而歎曰富有天下而猶器微物於  
己棄之餘則其大者可知矣○御馬舊以織成帕覆  
鞍勒至道二年詔以黃絹代之輔臣嘗因奏事至福

寧殿之西閣見仁宗所御幄帟茵衾皆質素暗弊自  
是大臣之家無復僭侈

### 宰執

唐以侍中中書令爲真宰相又言故事左右僕射各  
一人侍中中書令各二人爲正宰相武德初李勣任  
左僕射以南省務疏於北省始命帶中書門下三品  
竝平章事者爲真宰相其宰相僕射不帶同三品者  
但釐尚書省務而已正觀至德間置左右相又有知  
政事參議朝政參預朝政參知政事參知機務皆宰  
相之稱也高宗謂參知政事崔知溫曰郭待舉岑義

倩郭正一魏元同歷任尚皆淺且令預聞政事未可  
與卿等同名待舉等竝與中書門下同受進止平章  
事則是平章事亦或居參知政事之下其後方鎮遂  
有以恩授平章事者然而宰相謂之平章事蓋始於  
唐矣乾德二年太祖旣以趙普爲相且欲用薛居正  
呂餘慶故詢翰林學士陶穀曰下丞相一等何官穀  
對曰唐有參知機務參知政事翊日竝命居正餘慶  
參知政事不宣制不押班不知印不於政事堂禮上  
殿庭別設搏位居宰相後敕尾列銜仍下押字太宗  
始命與宰相更互知印時議者謂穀之對爲失而下

丞相一等漢御史大夫是也雖然唐叅知政事固宰相之任曾何以爲百王不易之制始稱謂適同爾官制因時輕重蓋可見矣僕射侍中皆秦官僕役於射謂之僕射緣所領之事而立名者爾侍中則丞相之史也抗之以爲宰相名同而實異甚矣樞密使唐特以宦者處之朱梁改曰崇政院始命敬翔爲使後唐同光復其舊稱命宰相兼其任石晉天福中廢樞密而置宣徽南北院至開通初復置樞密院而宣徽之名因以不廢宋興以平章事爲宰相以叅知政事樞密使副知院同知院簽書院事竝爲執政官

居執政官之次或以加前執政或以待勳舊焉

宰相並以先後爲次出而復任者互存

范質 王溥 魏仁浦 趙普 薛居正

沈義倫 盧多遜

右自建隆元年王月至開寶九年十月

薛居正 平 沈義倫 盧多遜 趙普 宋琪

李昉 趙普 呂蒙正 李昉 張齊賢

呂蒙正 呂端

右自太平興國元年十月至至道三年三

月

呂端 張齊賢 李沆初 呂蒙正 向敏中

寇準仲平 畢士安 王旦明 向敏中 王欽若

寇準 李迪復古 丁謂 馮拯

右自至道三年三月至乾興元年二月

丁謂 馮拯 王曾時 王欽若定國 張知白晦

張士遜 呂夷簡 張士遜 李迪 王曾

王隨正子 陳堯佐 張士遜 王得象 杜衍

賈昌朝 陳執中 文彥博 不序公序 龐籍

陳執中 梁適 富弼 劉沆中 韓琦

曾公亮

右自乾興元年二月至嘉祐八年三月

琦 曾公亮

右自嘉祐八年三月至治平四年正月

叅知政事

呂居正 呂餘慶 劉熙古 盧多遜

右自乾德二年四月至開寶九年十月

賈侁 郭贄 宋琪 李昉 李穆

呂蒙正 李至 辛仲甫 王沔 陳恕

張齊賢 賈黃中 李沆 呂端 蘇易簡

趙昌言 寇準 向敏中 張洎 李昌齡

溫仲舒 王化基

右自太平興國元年十月至至道三年三

月

向敏中 李昌齡 溫仲舒 王化基 李至

李沆 向敏中 王旦 王欽若 畢士安

馮拯 趙安仁 丁謂 陳彭年 王曾

張知白 李迪 丁謂 任中正 王曾

右自至道三年三月至乾興元年二月

任中正 王曾 呂夷簡 魯宗道 夏竦

薛奎 王晦叔 晏殊 王疇 蔡齊

盛度 韓億 程琳 石中立 王巖

李若谷 宋綬 晁宗慤 王舉正 賈昌朝

范仲淹 陳執中 宋庠 吳育 丁度

文彥博 明鎬 高若訥 劉沆 梁適

程戡 王堯臣 曾公亮 張昇 孫抃

歐陽修 趙槩

右自乾興元年二月至嘉祐八年三月

歐陽修 趙槩

右自嘉祐八年三月至治平四年正月

樞密

吳庭祚使趙普使李處耘宣兼副李崇矩使

王仁贍副楚昭輔副升使曹彬使

右自建隆元年正月至開寶九年十月

曹彬使加平章楚昭輔使石熙載簽書并副加使柴禹錫宣兼檢校

王顯宣兼副升使張齊賢簽王沔簽升副

張宏副趙昌言副楊守一宣兼同知張齊賢副

張士遜宣兼簽溫仲舒副升使寇準副改

柴禹錫宣兼副劉昌言同知趙鎔宣兼知向敏中同知

錢若水同知李惟清

右自太平興國元年十月至至道三年三

月

曹彬使平章趙鎔知王顯使向敏中副夏侯嶠副

錢若水同知李惟清同知楊礪副宋湜副周瑩宣兼知

王旦同知王繼英宣兼知升使馮拯同知改簽

陳堯叟同知平章升使丁謂使王欽若同知章升使

韓崇訓簽馬知節宣兼簽改副寇準使加平章王嗣宗副

曹利用副改知升使加平章又加侍中張旻宣兼副

任中正平章副馬知節知周起副馮拯使加平章

曹瑋簽錢惟演副張士遜副

右自至道三年三月至乾興元年二月

曹利用使僕射中張士遜副張旻使加僕射侍中天聖七年改名耆

錢惟演使張知白副晏殊副夏竦副范雍副

姜遵副張堯佐副夏竦使趙稹副晏殊副

楊崇勳宣兼副王晦叔使王德用簽改同知升

李諮副改王曾使同王隨知韓億同蔡齊副

章得象同盛度知王巖同王博文同

陳執中同知張觀同夏守同王巖知

晏殊知升使宋綬知王貽永同知改副升

杜衍同知改鄭戩副任中師副任布副

韓琦副范仲淹副宮弼副賈昌朝使吳育副

龐兼副丁度副夏竦使高若訥副升

宋庠使梁適副王堯臣副狄青副升孫沔副

田况副王德用使同程戡副韓琦使

賈昌朝使宋庠使田况使張昇副孫抃副

曾公亮使歐陽修副趙槩副陳升之副包拯副

胡宿副吳奎副王疇副

右自乾興元年二月至嘉祐八年三月

張昇使胡宿副富弼使吳奎副王疇

陳升之副文彥博使呂公弼副郭達同

右自嘉祐八年三月至治平四年正月

宣徽使

舒居潤 南 張美 北

李處耘 北改南

李崇矩 北兼

曹彬 南

潘美 北改南

右自建隆元年正月至開寶九年十月

潘美 南

王仁瞻 北

柴禹錫 北校

王顯 南兼

弭德超 北兼

郭守文 北 楊守一 北

張士遜 北兼

柴禹錫 北兼

趙鎔 北兼

右自太平興國元年十月至至道三年三

月

趙鎔 南兼

周瑩 南兼

王繼英 北兼

雷有恭

馬知節 北

張旻 南兼 曹瑋 北兼

右自至道三年三月至乾興元年二月

楊崇勳 南兼

王德用 南

夏守斌 南

李用知 南加

夏竦 南

程琳 北

李昭亮 北

鄭戩 北

張堯佐 南 狄青 南

吳育 北

富弼 南

曹佺 南

程戡

右自乾興元年二月至嘉祐八年三月後

不除



隆平集卷第三

祠祭附封爵

商祫親為禘祫據佳才道行恩德等類

唐臘用辰宋興臘用戌正觀以前寅禘百神卯祭社  
宮臘享宗廟開元以後三祭同用臘辰建隆之制祭  
百神社稷宗廟同用臘戌○祠部令應先代帝王三  
年一享牲用太牢建隆四年詔來年仲春以羊豕代  
大牢致饗帝高辛廟在宋州堯在晉州臨汾以稷契  
配舜在河中府以臯繇配禹在陝州夏縣以伯益配  
湯在鄆師以伊尹配文王在鄆舊配以太公望唐封  
太公望武成王以廟食今以師鬻熊配武王在鎬以

周公配漢高祖在長陵以蕭何配光武在南陽以鄧禹吳漢賈復耿弇配唐太宗在醴泉以長孫無忌房喬杜如晦魏徵李靖配乾德四年詔先代帝王各置守陵戶太皞葬長沙黃帝葬長沙高陽葬臨河帝高辛葬濮陽帝堯葬城陽穀林帝舜葬零陵九疑女媧葬趙城禹葬會稽湯葬寶鼎文王武王並葬咸陽漢高祖葬長安世祖葬洛陽唐高祖葬三原太宗葬禮泉九陂山並五戶每歲春秋長吏以羊代牛奉祀中宗至隋文帝十陵並三戶歲一享秦始皇至石晉高祖十五陵並二戶三歲一享周桓王至後唐清泰

帝三十八陵止禁樵採淳化三年秘書監李至上言國初舉藏冰之法於司寒之祭常在四月行之按幽詩十月四之日獻羔祭韭蓋周以十一月為正而四月者今之二月也春秋傳曰日在北陸而藏冰謂夏十二月日在虛危也獻羔祭韭謂二月春分始開冰室也火出而畢賦火星昏見謂三月四月中也又月令仲春天子獻羔開冰先薦寢廟詳開冰之祭當在春秋而行之四月乃有司之失也上然之命正其理○集賢校理胡宿言火正闕伯之祠在南京乃國朝受命之地自祖宗以來未領於祠官臣切為朝廷惜

之事下禮官言闕伯爲堯火正實居商丘主祀大火能宿其官後世因之祀爲貴神配火侑食國家有天下之號實本於宋五運之次又盛火德謂其因興王之地商丘之舊作爲壇兆秩祭大火配以闕伯以辰戌出納之月詔留司長吏奉祭事上是其議而行之○皇祐間上謂大臣曰前世禮神有祭玉燔玉今於祀典無乃闕乎文彥博對曰唐太常卿王起以當時祀事止有燔玉因請下有司求良玉始造璧琮等九器以祀神已事則藏之而燔玉止用珉蓋唐以來禮神之玉已不備上曰朕奉事天地祖宗豈於寶玉有

所愛乎其令有司備制製之時沙州適貢玉乃擇其良者製爲璧琮等九器其黝璜尤粹溫祭玉之備蓋始於此矣○有神降于終南山道士劉守真以爲天之宗神號黑殺將軍守真每齋戒祈請必至則室中風蕭然聲如嬰兒獨守真能曉開寶九年太祖不豫驛召守真令問焉曰上天宮闕成玉鎖開矣晉王有人心言訖不復降太平興國六年封神爲翊聖將軍○咸平四年封劍州梓潼神順濟王爲英顯王王張惡子也生越雋仕晉戰歿郡國志云惡子嘗至長安見姚萇謂之曰別後九年君入蜀梓潼七曲山頭有

叢林僕所居也叩樹當有應者及符堅命萇入蜀因  
此至七曲山訪得其處舉策叩樹有闈人出曰此神  
君仙室也萇曰神君可得見乎入白有頃數吏前導  
見堂宇壯麗侍御擁神君出乃張君也敘舊設席張  
樂酒酣萇辭神敕左右授以一杖曰有兵革事所指  
如意萇得之戰無不尅唐明皇入蜀神迎於萬石坂  
僖宗播遷亦有冥助故封爵順濟王咸平三年蜀寇  
王均叛有登城指賊大呼曰梓潼神遣我來九月二  
十日城陷矣賊射之不見及期果驗帥臣以聞故改  
是封焉

### 刑罰

諸州大辟舊皆藩臣專決枉濫者衆時務姑息不復  
究問建隆三年詔自今郡國斷大辟竝錄案朱書格  
律及禁勘月日官典名銜以聞委刑部覆視仁宗哀  
矜庶獄官失入死罪者終身不得改官吏部常引對  
選人韓中正以失入人罪報罷後刑部引爲詳斷官  
上見其奏謂王欽若曰此豈嘗引對者耶欽若對曰  
然上曰旣嘗用法不當乃可以爲法官乎詔劾引用  
者罪○沈德妃之弟惟恭樂安郡主之壻張承衍同  
管勾會靈觀觀燔坐黜惟恭蔡州承衍汝州竝管庫

妃主交爲言乞留京師仁宗曰已行之命爲貴戚所  
回則法律徒設矣命趣行

### 燕樂

酺飲起自秦法三人會飲則罰金故因事賜酺吏民  
會飲過則禁之太宗嘗謂輔臣曰朕讀唐史書每見  
睿宗以後賜酺或連夜七日九日亦或彌月無乃太  
甚乎娛樂不可過三日爲得宜矣玄宗令三百里內  
刺史縣令各率音樂集郡下能無勞擾耶雍熙九年  
冬南郊禮畢詔賜大酺三日丙申自丹鳳樓至朱雀  
門張樂遷四市物貨會五方士女水車旱船往來御

道爲魚龍曼延之戲又集開封府縣及諸軍樂人列  
御樓前音樂間發觀者溢路上御樓燕群臣賜畿甸  
耆老酒食列坐于下大中祥符以後屢講是制○上  
元張燈舊止三夜乾德五年太祖謂宰臣曰今朝廷  
無事稼穡豐稔當縱士庶俾之行樂詔開封府更增  
兩夜遂爲定制故事學士赴上有敕設獼猴之戲其  
禮又闕張洎蘇易簡除翰林學士特命設教坊雜伎  
樞密直學士知制誥以上咸與其集太宗因謂侍臣  
曰學士清切貴重朕常恨不得爲之○聖祖降後上  
謂王旦等曰先天降聖節欲設齋醮止刑罰屠宰其

日聽士庶以延壽帶續命縷保生酒更相贈遺因示帶縷一奩皆金銀珠翠繒綵爲之且曰陛下製此非止崇奉蓋欲均福衆庶臣等不勝大慶

愛民 方藥附

嶺南旣平太祖因覽桂陽監歲入白金數謂宰相曰山澤之利雖多頗聞採納不易自今減舊額三分之一以寬之○太平興國二年有司奏江南諸州權茶於松江州軍置八務民有匿而不聞許鄰里告給賞詔從之自唐建中四年趙贊判度支始稅竹木茶漆其後戶部侍郎張滂遂請移山茶根於茶園舊茶悉

焚棄天下怨之九年王涯誅令狐楚代涯請入其租於戶部人莫不悅乾德後雖禁民私賣而茶之利盡入縣官民不以爲擾太宗覽福建版籍謂宰相曰陳洪進以漳泉二州贍軍數萬無名科斂民所不堪比朝廷悉已蠲削煩苛稅名吾民當小康矣端拱二年河北屯軍乏糧度支使李惟清發河南十七州民運送上曰今已春深農事正急豈宜更興此役惟清固請乃遣左正言馮拯乘傳與轉運使規度止請發其冀州餘糧輸邊它俟農隙上因召惟清語之曰掌邦計者當以民爲本軍食雖少民力不任計司須務變

通自今宜以利民爲先無致厚斂且財貨所以濟用  
度取不以道豈朕愛民之意耶○淳化二年許商人  
納粟麥分江淮官茶以給其直謂之折博倉商人甚  
便之國初有折中倉或言其弊而罷之及端拱初以  
折中倉罷歲失國用百萬之八遂欲復置以歲歉而  
止至是始復而更其名曰折博公私以爲便至道元  
年八月知開封縣裴麗正言畿縣見欠夏稅蠶鹽三  
司令折納大麥今已過時上曰三司害政甚矣八月  
課民輸大麥價益踴貴欠稅皆下戶是重困小民也  
卽日下詔聽從便雜輸粟豆以官鹽貨於民蠶事旣  
畢卽以絲絹償官謂之蠶鹽又有食鹽卽隨租賦納  
其直○景德中河北轉運使李士衡奏方春民不足  
可給以錢使至夏輸絹民甚便之詔推其法於天下  
謂之和預買景德中有司言京師民僦官舍居人獲  
利多而輸官少乞增所輸許奪賃若人重遷必自增  
其數上曰豈不太刻耶先帝屢嘗止絕其申戒之○  
大中祥符五年三司請民販茶違法許家人告上曰  
是犯教義非朝廷所宜言不許○上封者言川峽官  
鹽價賤民間倍之請增其直免失厚利上曰官直賤  
民間尚貴上更增直下益闕矣不許陝西轉運使張

象中言安邑縣兩池鹽見貯三億餘萬斤尚虞遺利  
請申條約真宗曰過求羨餘當慮有時而闕不許○  
蜀人以鐵錢重私為文券謂之交子以便貿易既久  
而或不能償民訟不已天聖中知益州寇瑛請禁之  
上曰蜀民用交子久矣罷之可乎下使者議以為官  
置務則可以利民而止其欺上曰果利民其行之○  
仁宗即位以真宗時嘗遣使江浙蠲放逋欠因登極  
赦恩命知制誥張師德侍御史知雜事蔡齊詳定天  
下欠負悉蠲除之其後命官放欠負蓋自此始○淄  
州東沿舊以衙前王之治久廢州請均其課於諸縣  
仁宗曰利出於治治既廢矣他縣力用之民何預而  
使之輸耶命罷之○太平興國中編成方書賜諸道  
州郡謂之太平聖惠方一百二十卷○仁宗謂輔臣  
曰近時方伎之學廢故世無良醫人多橫夭乃命太  
醫較定黃帝內經素問難經巢氏病源等模以頒天  
下銅人鍼灸圖經一節合次於此以脫落今補於後  
○仁宗以福建奏獄多蠱毒害人者福建醫工林士  
元能以藥下之詔錄其方又命太醫集諸方之善治  
蠱毒者為慶曆善救方命叅知政事丁度序之以頒  
天下言者云雖有方書遠方或闕藥材不能自致詔



請以官錢治善救方諸藥以濟民○皇祐四年上以  
方書雖多或藥品之衆昧者用之寡要貧者困於無  
資命太醫集諸家已試之方而刪去浮沉而標脉證  
兼敘病源名之曰簡要濟衆方宜今崇文院分作上  
中下三冊印頒諸邑○樞密院韓琦言朝廷雖頒方  
書以救民疾而貧民力或不能及請令諸節鎮及益  
并慶滑四州歲賜錢二十萬餘州軍監十萬委長吏  
選官合藥以時給散上如琦奏至今行之○仁宗謂  
輔臣曰鍼砭之法世傳不同腧穴稍差或害人命其  
令太醫王惟一考明堂氣穴經絡之會鑄腧穴銅人  
式一置醫官院一置大相國寺惟一又纂集所聞糾  
正訛謬爲銅人鍼灸圖經以進上命夏竦爲之序而  
模以頒天下

### 典故

乾德三年宰相范質王溥魏仁浦同罷翌日制書以  
批普爲相無宰相書敕上召學士問故事陶穀曰自  
來輔相未嘗虛位唯大和中甘露事數日無宰相命  
筆射令狐楚奉行制書今尚書亦南省官可以書敕  
實能曰穀所陳非承平之事不足爲比今皇弟開封  
尹同平章事卽宰相之任也上曰儀之言是卽命晉

王書敕故事節度使不帶平章事者在大卿監下乾德五年始陞節度使班在龍墀內金吾上將軍之上太平興國二年詔常叅官知節鎮者借紫餘緋罷日仍舊○淳化元年益王元傑授楊潤大都督府長史學士張洎言唐以楊益潞幽荆五郡爲大都督府置長史司馬爲上佐其大都督非親王不授或親王遷領別命大臣領郡除長史副大使節度事今益王正大都督之任復爲長史乃是自爲上佐也呂蒙正以爲襄王越王皆領長史矣今吳王獨領大都督非便上曰業已差誤俟別除授并正之○淳化二年詔百官次對又御文德殿群臣入閣復舊制也來年五月群臣入閣設黃麾杖新制也○三班使臣舊不免杖罰戶部尚書張齊賢修編敕始請以贖論○咸平六年詔河北東陝西轉運使副按邊經費勞於他路其月俸共給實錢至今行之○大中祥符六年陳世卿知廣州詔歲給添支錢七十萬公用錢五十萬遂著爲令○真宗爲宰臣曰何承矩嘗請與藩臣封戶如何王旦對曰唐朝將帥富貴驕蹇往往陷於不道良由事勢强大朝廷姑息太過每移一帥未有帖然奉命者至于五代餘風未殄太祖制之有術迄今藩臣有

兼相印提禁旅及久當邊任者詔旨亟召則夙夜奔命好談古者特思慮未至爾上然之○王欽若言比見石普奏章用新州觀察使印上顧宰相問其事王且對曰普以河西節度使知許州此必許州觀察使印爾欽若之言謬矣凡節鎮有節度使印隨本司闕則州本吏用本州觀察使印又有州印文曰某州之印畫則州錄事參軍掌用暮則納長吏所節度使在本鎮兵刑甲仗卽節度判官掌書記推官連書用節度使印民田租賦事卽觀察判官支使推官連書用觀察使印州司下符用本州印故命將必曰某軍節

度使得專制其軍旅也曰某州觀察使得廉問其風俗也曰某州刺史得刺舉其州軍也○天聖中都官員外郎吳耀卿言景德中江淮漕米歲不過四百五十萬石其後增至六百五十萬故江淮之間穀常貴而民益貧請約成平景德中數立爲中制上詔發運司歲減漕米五十萬石○仁宗謂輔臣曰日者三司請以轉運使漕事集否爲昇黜之法意欲使修舉其職非誘之爲聚斂也如聞貪冒之人僥倖恩賞肆爲侵尅豈朝廷之意也轉運使考課法其亟除之梁惟吉知懷安軍其弟惟遜已任屬官惟吉母老乞改任

仁宗命有司自今如是者悉免遂爲定制

### 河渠

至道元年上問汴河疏鑿之始張洎上言曰昔大禹導河自積石至于龍門南至于華陰東至于砥柱又東至于孟津東過洛汭至于大伾卽成臯是也或云黎陽山禹以大河流泛中國爲害最甚乃於頓丘郡界疏二渠以分水勢一渠自陽武縣東引入漯水東北流至于乘縣入海卽今黃河是也一渠疏畎引並西山以山東地形高敞穰東水勢不使流溢夾右石入于渤海書所謂北過泲水至于大陸泲水卽

漳也大陸卽邢州鉅鹿澤也播爲九河同爲逆河又于海河自魏郡貴鄉界爲九道下至滄州合爲一河言逆河者謂與海水往復相承也齊桓公霸世塞河廣田居惟一河水存焉今貝冀東界王莽枯河是也禹又於滎澤下分大河水爲陰溝引注東南以通淮泗大梁浚儀縣西北復分二渠一渠東經陽武縣南中牟臺下爲官度水一渠始皇疏鑿以灌魏都謂之鴻溝荑苕渠自滎陽五池口東注之其鴻溝卽出河之溝亦曰荑苕渠漢明帝時樂浪人王景謁者王吳始作浚渠故又以浚儀爲名靈帝建寧四年於敖城

西北壘石爲門以遏渠口故世謂之石門渠水東合  
濟與河渠渾濤東注至敖渠水至此又兼入邲卽春  
秋時晉楚戰于邲是也邲又音汜汜卽汴字古人避  
反字故改從卞云卽字亦去反從卞同此義也渠水  
又東經滎陽北旃然水自縣東流入汜水鄭州滎陽  
縣西二十里三皇山上有二廣武城相去百餘步汴  
水自兩城間東流而去其濟流自茲而絕唯汴渠首  
受旃然水謂之鴻溝晉太和中桓溫北伐前燕將通  
之不果義熙十三年劉裕西征姚秦復浚此渠始有  
湍流奔注兩岸渠潰塞劉公更疏鑿而漕運隋煬帝

○大業二年詔尚書左丞皇甫誼發河南男女百萬  
開汴水起滎澤入淮千餘里仍自汴河爲通濟渠又  
發淮南兵夫十餘萬開邗溝自山陽淮陰至揚子江  
三百餘里水面廣四十步而後行幸焉自是天下利  
於轉輸昔孝文時賈誼上言漢以江淮爲奉地謂魚  
鹽穀帛多出自東南也至五鳳中耿壽昌奏云故事  
歲漕關東穀四百萬斛以給京師亦多自此渠漕運  
唐初改通濟渠爲廣濟渠開元中裴耀卿上言江南  
租船自長淮西北泝鴻溝轉相輸納於河陰獲嘉太  
原等倉凡二年運米七百萬石涉於此也開元末汴

州刺史齊澣以江淮漕運經淮水波濤有沉損遂開  
廣濟渠下流自泗水虹縣至楚州淮陰縣北十八里  
合於淮踰時畢功既而水流浚急行旅艱險尋乃停  
廢復由舊河德宗朝歲漕江淮米四十萬石以益關  
中時叛將李正己田悅皆分軍守徐州臨渦口梁崇  
義阻兵襄郢南北漕引皆絕於是水陸轉運使杜佑  
請改漕路由浚儀西十里疏其南涯引流入琵琶溝  
經蔡州至陳州合潁水是秦漢故路以官漕久不由  
此道故填淤不通若畎流培岸則功用甚寡又廬壽  
之間有水道而平岡且其中曰雞鳴山佑請疏其兩  
端皆可通舟其間登陸四十里而已則江湖黔嶺蜀  
漢之粟可方舟而下由白沙東關經廬壽浮潁涉蔡  
歷琵琶溝入汴河不復經揚楚沂淮之險徑於舊路  
二十餘里功寡而利博朝議將行淮路通乃止今天  
下甲卒百千萬人戰馬數十萬匹萃在京師仍以七  
二國之士民集于輦下比漢唐京十倍其人矣雖旬  
月時有水旱不至艱歉者惠民金水五丈清汴四渠  
派引脉分成會天邑舳舻相接給贍公私所以無匱  
乏也唯汴橫亘中國首承大河漕引江湖利盡南海  
半天下之財賦悉由此路而進昔大禹疏鑿以分水

勢煬帝開畎以奉巡遊雖數堙廢而通流不絕終爲  
國家之用者其天意乎天聖初右班殿直劉達言解  
州安邑縣自後魏正始中都水校尉元清平坑水西  
入大河以運鹽號永豐渠周齊之間其渠遂廢大業  
中都水監姚暹決堰浚渠自陝郊西入解縣民賴其  
利唐末渠復湮沒請復濬之上下其議轉運使王博  
文以爲利遂命開浚渠成公私便之

戶口

建隆元年版籍之數州百一十一縣六百三十八戶  
九十六萬七千三百五十三○開寶九年州二百九  
十七縣一千八十六戶二百五十萬八千九百六十  
五○至道三年戶四百五十一萬四千二百五十七  
○大中祥符八年戶八百四十二萬二千四百三口  
一千八百八十萬一千九百三十夏秋稅錢帛糧斛  
二千二百七十六萬四千一百三十三絲綿禾草二  
千二百八十三萬六千六百三十六茶鹽酒稅錢帛  
銀二千八百萬二千○寶元元年戶一千一十一  
萬四千二百九十

雜錄

平蜀得鑄印官祝溫集自言祖思言爲唐禮部鑄印

官世習籀篆卽漢藝文志所謂屈曲纏繞以模印章者也遂命重鑄中書門下樞密院省臺寺監等印○樊若冰初在江南舉進士不第因嘗漁釣採石江上以漁船載絲繩度江之廣狹上書言江南可伐之狀太祖用其計下荆湖造大橋聯巨艦江南不守採石王師徑度遂破池陽初除舒州推官及計旣行遂領池州事積官至給事中太祖嘗問其名出何典記對曰臣慕唐右丞倪若冰故名焉上笑曰可改名知古蓋上惡其聲近弱兵也唐右丞相乃倪若水謂之若冰繆矣○日本國奄然太平興國九年自其國來因得召見言其國王傳襲六十四世矣文武僚吏亦皆世官太宗歎謂群臣曰朕不敢自逸以冀運祚永久更賴忠良輔朕不逮無俾遠夷獨享斯慶○有宋大臣生享王封者符彥卿王景錢俶歿而追封者孟昶楚王慕容延釗河南郡王王審琦瑯邪郡王錢俶秦國王李繼勳隴西郡王劉繼元彭城郡王劉鋹南越王李煜吳王趙普真定郡王曹彬濟陽郡王錢惟濬邠王魏仁浦齊王石守信衛王劉美魏王李用和隴右郡王○以時政記進御自宰相李昉始以起居注進御自起居郎梁周翰始御史中丞得從遊宴自趙



昌言始集賢校理陪宴京師許乘馬入禁門自李宗  
諤始以執政判禮儀院自丁謂始將帥在外遇大禮  
賜賚自主德用程林李昭始○董遵誨世居幽州其  
母在契丹太祖令人賂邊民使迎其母送於遵誨遣  
外弟劉綜貢馬以謝上解所服真珠盤龍衣命齋賜  
之綜曰遵誨人臣豈敢當此上曰吾委以方面不此  
嫌也○太祖嘗命有司治第將賜郭進令蓋以簞瓦  
有司言舊制非親王公主之第不用簞瓦上曰郭進  
控扼西山十餘年使我無北顧憂我視進豈減兒女  
耶○高敞國太平興國六年入貢其土卽後漢戊巳

校尉之地俗好騎射戴油帽謂之蘇幕遮

隆平集卷第三

隆平集卷第四

宰臣

裔孫桐桂著錄集律道行思彦校刊

范質字文素魏郡人母夢人授五色筆而質生唐長興中擢進士第仕晉至翰林學士周祖擢為宰相建隆初封魯國公乾德二年罷相初和凝知貢舉愛質所試文自以中第嘗在第十三名故亦以處質其後質官及封國皆與凝同當時謂之傅衣鉢質平居手不釋卷謂人曰嘗有異人言吾當大任無學術何以處之及司制誥人服其該贍奉行制敕未嘗破律為相不受四方饋獻祿賜親族歿無餘財太祖歎其清

慎曰真宰相也太宗亦言近世輔弼循規矩慎名器無與比者特不能死周社稷乃其短爾子旻

魏仁浦字道濟衛郡人少爲刀筆吏隸樞密院周祖爲樞密使問以中原卒乘數對曰帶甲者六萬及隱帝遣人害周祖仁浦教以易其語云誅將士以激衆怒心遂長驅渡河卽位擢樞密承旨復問郡邑屯兵數仁浦詳對按籍無差世宗卽位差樞密副使陞使繼命兼相對曰不由科第進曰顧才何如爾遂用之世宗卞急輕殺戮仁浦營救而免者十常七八從出征鋒鏑之下無橫死者有鄭元昭誣仁浦婦翁李溫

玉之子從李守政叛捕以告變欲中傷仁浦周祖力辨其誣獲免及仁浦大用元昭懼卒以元昭繼典五郡又嘗爲賈延徽譖幾遇禍總師出征有得延徽以獻者仁浦曰因兵戈報私怨不忍爲也人稱其長者建隆初不易其任乾德二年罷相卒子咸信尚主追封仁浦王爵

王溥字齊物太原人漢乾祐中登進士第周祖鎮蒲津召置幕府從征李守正王景崇得朝臣交結書周祖欲暴其事溥力請焚之周祖將大漸趨草相制聞宣畢曰吾無恨矣世宗嘗問漢相李松蠟丸書結北

虜有記其辭者否溥曰使崧有此肯以示人耶逢吉  
輩生捕之爾世宗遂優贈其官建隆初不易舊任乾德  
二年罷卒謚文獻後改曰文康父祚仕至上將軍祚  
致仕溥猶居相位每公侯引觴為壽溥侍側如嬰兒  
人稱其孝敬祚狗貨殖溥亦獲恠嗇譏孫貽永

貽永字秀長真宗以其故相家選尚太宗第四女鄭  
國長公主除右衛將軍駙馬都尉明年主薨卽納所  
賜宅累擢節度使歷宣徽使同知樞密院事改副使  
加同平章事以疾求罷聽免兼侍中至和初復以疾  
丐解職除右僕射檢校太師兼侍中鄧國公卒年七

十一贈太師中書令謚康靖子道卿貽永為人慎約  
寡言無綺紈聲色之好嘗知徐州河決滑臺作堤城  
南水至不為患王曾守南京表其事詔褒之鄆州咸  
平中徙城而故治為通衢密邇梁山瀟水春夏多病涉  
貽永知鄆州相地築東南道二十餘里至今人獲其  
濟

薛居正字子平開封人父仁謙五代史有傳居正後  
唐清泰中登進士第仕周至刑部侍郎建隆初知朗  
州有亡卒數千為盜軍使疑城中釋子為應欲盡殺  
之居正以計緩其事生擒賊首乃知釋子千數無預

謀者乾德二年初置叅知政事居正及呂餘慶首當其選開寶六年拜相太平興國初進位司空薨謚文惠無子以同姓子惟吉為嗣居正操行方重不事苛察好讀書為文敏贍有集二十卷詔李昉為之序沈倫字順宜陳留人名上一字避太宗舊名去之太祖初除同州節制辟在幕府屬改命皆從焉及卽位擢樞密副使開寶六年拜相太平興國四年罷卒謚恭惠平蜀日倫為計度制置使諸將以賄敗倫歸篋中唯圖書數卷在相位自守而已

盧多遜懷州人父億有操行仕至少府監周顯德末登進士第開寶中累擢叅知政事九年拜相多遜博涉經史善伺人主意太祖每遣取書多遜伺知卽通夕閱視詰朝問書中事應答無滯上益寵待為翰林學士時屢於上前毀趙普及在相位普之子及其親屬多為所抑普再相廉知多遜嘗遣親吏交通秦王廷美因發其事追削官爵并其家配崖州卒于配所初王祐知制誥多遜欲祐協力擠普一日祐以宇文融排張說事示之怒出祐知華州及多遜敗明識士大夫服祐有明識

趙普字則平蘄州人父迥徙常山又遷洛陽因占籍

焉劉詞節制永興辟為從事詞遣奏稱其才授滁州  
判官太祖以周世宗命破皇甫暉拔滁州聞普決獄  
多全活者方出鎮馮翊遂表為從事屢改命皆在幕  
府卽位授諫議大夫繼除樞密副使乾德二年代范  
質相久之罷太平興國初復相堂帖之行與詔敕無  
異太祖命勿復行八年授鄧州節制端拱元年復相  
淳化元年以疾罷除河南尹進位太師魏國公薨追  
封真定王諡忠獻卒年七十一設鹵簿葬舉唐制也  
普初無學術太宗勉之晚年頗該博在相位十年獨  
任政事閣中設大瓦壺中外章奏不欲行者擲壺中  
既而焚去性多忌克太祖嘗稱馮瓚欲大用普遂請  
以知梓州遣私奴從知郡伺其過失詣闕訟之瓚配  
隸沙門島十年三司使趙玘廉其市木治第事雷有  
隣又訟中書不法太祖惡之學士竇儀對因訪普所  
為儀曰不知退而曰我必不大用而必不知朱崖及  
詢盧多遜多遜乘間攻其短亟進預政事及普再相  
多遜遂有朱崖之命蜀人侯莫陳利用以方術進至  
圍練使所為多不法普力言之上為黜利用普言之  
不已利用卒伏誅聞者忻快普在相位大夫有言人  
短長者必令吏追錄之有事則引以為證自是人無

敢言中書事益擁蔽又嘗建議以趙保忠鎮夏臺俾  
圖繼遷反通謀幾為邊患時論罪之端拱復來頗為  
同列所窺鬱鬱不得志而去雖然普遇事斷之無不  
言與夫循嘿者有間矣

李昉字明遠真定人父超仕至集賢學士昉以門蔭  
補齊郎漢乾祐中登進士第在周為翰林學士建隆  
初遷中書舍人盧多遜攻趙普短太祖詢昉昉曰臣  
書詔之外思不出位太宗征太原過常山賜羊酒俾  
於居第讌集丞相至藩侯皆賦詩刻石太平興國八  
年拜相建議復特政記先進御後付史館端拱初罷

淳化二年復相在位循謹自守臨事多恕為文慕白  
居易所居有園亭又葺郊外宴遊之地多畜妓樂娛  
樂親友與張洎盧多遜善薄張昉上嘗問多遜昉頗  
為辨釋上曰多遜常毀卿不直一錢昉曰臣不敢誣  
罷相張洎草詔深攻其短張昉時時造其第或問昉  
昉曰我為廷尉獨李公未嘗以私事見于今雖退居  
可見也昉薨贈司徒謚文正子宗諤

宗諤字昌武昉第三子七歲能屬文恥於父任得官  
獨由鄉舉端拱二年登進士第性謙謹衣弊策蹇人  
不知其宰相子也獻文召試除集賢校理太宗每有

篇詠多賜昉及宗訥宗諤屬和世榮之宗訥宗諤之  
兄也宗諤官至諫議大夫翰林學士卒年四十九李  
濬與宗諤同歲同月後一日生其卒亦後一日濬字  
德淵冀州人父超為禁卒從潘美掌刑刀美嗜殺戮  
超常緩之怒釋多全活者人以為有陰德濬官至右  
司郎中樞密直學士宗諤博學曉音律尤精於典章  
沿革朝廷劄制損益莫不與聞景德初北虜請和後  
一歲生辰使至首命宗諤館伴自郊勞至餞禮有節  
適行判太常寺鼓吹工之謬濫者無所容風流文雅  
內行純至事繼母以孝稱二兄早卒奉嫂字孤人無  
間言友其弟宗諒甚篤賞延所及皆先諸姪其卒也  
子猶有未仕者獎借後學薦拔寒素接人有禮士大  
夫愛慕之其書字勢傾側後進多擾筆効之罕有類  
者為時之所貴如此有文集六十卷內外制集四十  
卷又有家傳談錄行於世

宋琪字叔寶范陽薊人晉天福中在契丹舉進士登  
第幽帥趙延壽惜其自陷虜廷辟為從事建隆間為  
開封府推官太宗尹京禮遇甚厚即位累擢至叅知  
政事太平興國八年與李昉同相因請盧多遜舊第  
上惡而罷之薨年八十贈司空謚惠安琪有吏能辨



捷好談諧而寡學識

呂端字易直其先燕人父琦五代史有傳兄名犯太祖諱下一字字餘慶太祖節制同州餘慶爲賓佐及卽位累擢參知政事蜀平知成都府不罷政事以執政蒞藩鎮自餘慶始歸朝復舊任旣而引疾求罷除尚書左丞卒年五十大祖幕客餘慶居其先趙普李處耘首大用餘慶獨不介意及除執政而處耘被黜同列欲其排之上問處耘第以實對普忤旨而罷仍力爲辨釋餘慶重厚有守所至以寬簡治與弟端俱以文官三品蔭補千牛衛備身端在周直史館建隆

初遷太常丞歷官四十年始大用淳化四年參知政事至道初拜相太宗常恨任用之晚端持重識大體同列奏對或多異議一日內出手札戒諭自今中書事經呂端裁決乃得聞奏真宗卽位必加體貌見必拱揖以其身體偉大爲納陛俾登殿所咸平初以疾罷薨年六十六贈司空謚正惠子荀藩蔚藹李惟清自樞密改中丞意端抑已屢遣人訟堂吏過又彈端久在病告端曰吾直道而行無所媿也端姿表瓌秀器識和裕屢遭擯斥未始經意嘗使高麗暴風折檣舟人恐怖端讀書自若兩使絕域後有往者必問端

為宰相未其為遠近所慕如此

李沆字太初洛州肥鄉人父炳仕至侍御史沆好學  
沉厚寡言有精識炳常謂人曰此兒異日必致公輔  
太平興國五年登進士第至王化基上書自薦太宗  
曰李沆宋湜皆佳士也命相府同召試並除知制誥  
沆官最下特升于上累擢給事中叅知政事淳化四  
年罷真宗升儲以為太子賓客詔儲君待以師傅禮  
及卽位復叅知政事明年拜相北虜入寇車駕幸鄴  
沆留守東京不戮一人輦下肅然景德元年薨年五  
十八贈太尉中書令謚文靖沆博學內行修謹居位

慎重門無私謁終日危坐望之儼然上每議政語天  
下安治沆常以四方水旱螟蝗為言上深慰納既薨  
上對侍臣曰沆忠亮淳厚終始如一言畢泣涕久之  
王旦嘗自謂器節不能逮沆世謂二人皆賢相也弟  
贊源准子簡

畢士安字舜舉代州人後居鄭州乾德四年登進士  
第累遷至知制誥翰林學士真宗尹京士安為開封  
府判官卽位命擢知府復入翰林為學士又為侍讀  
學士景德初叅知政事踰月拜相二年薨于位年六  
十八贈太傅中書令謚文簡士安端重有識度善談

論所至以公正稱年高目昏讀書不輟有文集三十卷藏于家

呂蒙正字聖功河南人太平興國三年登進士甲科歷官一紀遂至相位嘗任知制誥翰林學士參知政事端拱初相淳化二年罷四年復相六年罷相國朝以來三居相位唯趙普及蒙正蒙正沉厚寡言有器局以正道自特張紳知蔡州以賦敗有爲紳營解於上曰紳家富不至此特蒙正貧時有求不獲今報之爾上即復紳官蒙正不辨後考課院得其實黜之太宗復謂曰張紳果有賦蒙正亦不荅判江寧府數遣中貴

人將命待之如在相位時不少減近制宰相子起家即授水部員外郎加朝散階蒙正固辭止授九品京官自是以爲例罷相歸西洛養疾有園亭時會親舊環侍皆子孫間舉壽觴釋然自得真宗謁陵寢祠后土過洛汭兩幸其第當世榮之父龜圖仕至起居郎初龜圖黜妻劉并棄蒙正劉誓不改適及蒙正莅官迎二親同堂異室奉養並至時稱其孝累改封以許國公薨年六十八贈太師中書令

張齊賢曹州人徙居洛陽自言慕唐李太亮爲人故字師亮乾德間應科舉不中選太平興國二年登進

士第累擢至簽書樞密院樞密副使叅知政事淳化二年拜相咸平初復相屢進位至左右僕射請老以司空致仕飲食素過人執政後丁內艱水漿不入口者七日其後日一飣粥既祥乃方食脫粟飯三年酒肉菓菜不入門世稱其孝平日頗以致君自任言涉疎闊前後治獄全活甚衆未第時依太子少師李肅家及貴歲時祭之種放之用亦其薦也嘗爲部使者務存寬大察訴牒多得其情嘗對太宗曰靈夏終爲繼遷所擾人謂其過卒如所料在相位事有涉干請辭連李沆而齊賢獨任其責物論甚美及再相與寇準相傾遂虧名節歸洛得唐裴晉公午橋莊有池樹松竹之勝日與親舊觴詠其間善教子孫皆能自立有文集表疏集雜編小說各數十卷

王旦字子明大名人父祐有文行國史有傳旦沉厚好學祐知其必至公輔手植三槐於庭以爲識旦太平興國五年登進士第淳化初獻文除直史館明年知制誥祐又典書命旦不十年繼之咸平初入翰林爲學士三年樞密副使四年叅知政事景德三年拜相在樞府一年叅知政事八年任首相十二年以疾懇求退不已意不可奪除太尉仍詔禮官具上事儀

未上而薨年六十一贈太師尚書令謚文正初旦與  
錢若水同在西掖若水善人倫嘗曰王君凌霄聳壑  
棟梁材也非吾所能及李沆以同年生亦相厚善謂  
爲遠大之器且端重介直明達治體接物雖和易而  
風格峻整當官臨事獨不可犯爲相屬罷兵之後務  
在鎮靜善於獻納言簡順理情名器敘進才品不  
以私怨廢公義薦用人有終身不知者不許子弟應  
舉以妨寒俊亦不薦補諸子居第湫隘服器質素與  
弟旭友愛甚至敦獎名教留意文雅近世典章族氏  
尤極該洽真宗初置天書刻玉使以且領之國朝以  
來居相位天下無間言者唯旦及李沆云

向敏中字常之開封人父瑀唯一子教督甚嚴常謂  
其妻曰大吾門者此子也太平興國五年登進士第  
父之太宗飛白書敏中張詠二名付書書語宰相曰  
此二人名臣也朕將用之淳化四年自廣南轉運使  
召還除工部郎中擢樞密直學士與張詠並命是年  
同知樞密院事自員外郎至是凡百日爾會曹彬除  
樞密使改副使咸平初改叅知政事二年兼樞密使  
出安撫河北以禁兵萬人翼從四年拜相五年坐市  
薛居正第罷大中祥符五年復相天禧三年薨年七

十二贈太尉中書令謚文簡初太宗欲大用之當路者有言敏中在法寺時皇甫倓監無為摧務以賄敗嘗求敏中從末減下御史臺捕倓僕詰之僕云有書敏中不啓封還之書今瘞臨江軍傳舍遺索果得書緘題如故上驚異遂登用焉罷相出知永興軍適駕幸澶州密詔俾便宜從事詔不泄邊境以安故有復用之意敏中沉毅寡私交獨爲人主所知多智善保身識大體相位門無私諸子不使當事任雖處大事若已不與避遠權勢慎於薦拔大任幾三十年耄老猶不得謝時論目爲重德

寇準字平仲華州下邳人太平興國中登進士第器識文學時鮮其比初補歸州巴東令五年不得代既又宰大名府成安賦役期會書鄉里姓名系懶

民無違者巴東有秋風亭準析韋應物一言爲二句云野水無人度孤舟盡日橫識者知其必大用後因言事太宗深器之淳化二年擢樞密副使四年罷知青州太宗對左右數語及準有間言至終不能移上意五年召參知政事因奏對切直上怒起輒挽衣留以俟處決太宗歎曰真宰相才也上欲建儲密詢於準對曰謀及婦人中官近臣皆不可也惟擇所以副

天下望者上屏左右問曰襄王可乎對曰非臣所知也及真宗爲太子人望翕然上曰天下心屬太子將置我何準曰願得所付天下之福也至道二年罷政知鄧州咸平六年除三司使景德元年與畢士安同相契丹入寇上召群臣問禦戎策畢士安請選將王欽若勸幸金陵陳堯叟以幸蜀爲請準曰非親征不可上從準議兵威大振車駕及衛南而捷書來上三年罷相大中祥符七年除同平章事充樞密使八年罷天禧三年復相四年真宗不豫皇太后參議政準請問曰丁謂佞人也不可輔少主願擇方正大臣羽

翼太子亦然之準因命楊億草太子監國制且進億以代謂甚密詰朝準被酒自漏言謂乘婦人車請曹利用第謀逐準遂發周懷政朱能天書事遷準以太子太傅歸班請對不許降太常卿知相州徙安州貶道州司馬仁宗卽位再貶雷州司戶踰年徙衡州司馬命未至卒年六十三詔許歸葬西京過公安縣民擁道設祭立竹焚幣焚餘竹無根株踰月皆自生邑民嗟賞卽生竹地立祠歲時享之謂其竹曰寇公竹歲久成林人不忍伐仁宗對輔臣哀準以忠貶死贈中書令萊國公謚危身奉上曰忠佐國遭憂曰愍詔

賜準諡忠愍錢惟寅素忌準又諂附丁謂作樞密直  
學士題名記輒不列準後蔡齊言於上卽命刊去上  
又哀準無子以從子隨爲後乃擢其壻屯田員外郎  
張子臯直秘閣俾齎詔河南就賜其家祭酌之初準  
至雷州吏以圖經獻視其四至云東南門至海岸十  
里準悅曰吾少時有云到海祇十里過山應萬重豈  
偶然耶南行之初過零陵行橐爲溪寇所掠其會聞  
而趣還之世言忠義足動獷俗况氣同者乎準剛正  
篤於自信不能與世俯仰故人多惡之至道郊恩以  
左正言馮拯爲虞部員外郎拯訴於朝罷政事者七  
年未始少抑雖王旦亦以爲好人懷惠又欲人畏威  
皆大臣所宜避準自以爲已任此其短也惡之者或  
云在相位與張齊賢相傾或云朱能爲天書降乾祐  
縣準知而不言審如是丁謂之拂鬚固足以悅詎致  
其媒孽邪及謂道出雷州欲見而不可得其不能與  
世俯仰如此而庇以險詖庸回不其過歟準知將逝  
遣人取太宗所賜通天犀帶於洛中半年始致沐浴  
具朝服束帶北面再拜俄登榻而終非達於死生之  
數能如是歟

王欽若字定國臨江軍新喻人少孤祖郁嘗曰吾歷



官五十餘年慎用刑活人多矣後必有與者其吾孫  
乎淳化三年登進士甲科累遷知制誥翰林學士咸  
平四年叅知政事景德初契丹入寇欽若請行以叅  
知政事判天雄軍上親燕以遣之還朝累求罷政事  
制特置資政殿學士寵之既久又加大學士之名景  
德三年知樞密院事大中祥符五年除樞密使同平  
章事七年兼同天書刻玉使是年罷八年復樞密使  
平章事天禧元年拜相三年商州捕得道士譙之易  
畜禁書能使六丁六甲神而欽若贈之詩故罷知  
州踰年復資政大學士資善堂侍讀進司空既而  
節制檢校太師除平章事判河南府以疾不俟報赴  
闕降司農卿分司南京仁宗卽位復秘書監改太常  
卿刑部尚書天聖元年復相進司徒三年薨于位贈  
太師中書令謚文穆錄親屬及門下吏二十餘人前  
此宰相優卹未有其比欽若少時過圃田夜視天文  
有紫微字赤色及使蜀褒城道中有通刺字未暇視  
而與之見告欽若曰異日位在宰相旣去視刺字乃  
唐裴晉公也自是遂喜神異事且撰文以紀之真宗  
卽位欽若判三司理欠憑由司奏蠲乾德至咸平通  
負千餘萬釋繫囚三千餘人以廣惠澤叅知政事日

有訟欽若及洪湛貢舉受賂命邢昺鞠之時上顧欽若方隆故湛獨流儋州人以為寃大中祥符間與馬知節同在樞府知節惡其為人不能相下故兩罷之封泰山祀汾陰天下言符瑞欽若皆與焉朝廷有所興作必委曲遷就以合上意與丁謂陳彭年林特及內臣劉承規交通蹤跡詭異時論謂之五鬼真宗作喜雪詩誤用旁韻王且白欽若曰天子詩可校以禮部格耶它日上謂輔臣曰王欽若幾為衆所咥與楊億等同譏冊府元龜有褒詔則自為表謝譴問則戒吏云第言億等故馬知節面斥其姦罔其後仁宗亦


謂王曾曰欽若所為真姦邪也五子皆天以從姪安亮為後欽若平日所撰有天書再降泰山祥瑞圖鹵簿記彤管懿範天書儀制翊聖傳聖祖事迹羅天大醮五嶽廣同遷敘圖列宿萬靈廟真一圖共數百卷丁謂字公言初字謂之蘇州人嘗袖文謁王禹偁禹偁備愛其文即為詩贈孫何及謂比之韓柳名遂大振淳化三年登進士第累擢知制誥諫議大夫兩為三司使大中祥符五年參知政事九年除節制知昇州天禧間復參知政事改樞密使四年與李迪同相迪對上斥謂姦邪同罷而謂詔留加司空封晉國公仁

宗卽位進司徒兼侍中坐雷允恭移山陵皇堂事罷  
少保分司再貶崖州司戶叅軍凡五年徙雷州又三  
年徙道州明道末復秘書監致仕居安州又徙光州  
卒年七十二詔賜錢十萬絹百疋謂淳化間爲福建  
轉使初置龍焙歲貢團茶數品供御咸平初峽路蠻  
擾邊會分川峽爲四路謂領夔州轉運使措置蠻事  
作誓刻石柱境上其後又入寇止委其酋領討平之  
居五年詔許自舉代乃舉薛顏景德初契丹入寇謂  
知鄆州虜騎稍南民大驚趣楊劉渡舟人邀利不時  
濟謂斬死罪囚于河上舟人懼不復稽阻又令廣旌  
幟擊刁斗聲振百餘里虜亟走遁大中祥符初議封  
禪未決謂因言大計有餘議遂定謂機敏有智謀儉  
巧險詖亦鮮其儔文字經目雖千百言無遺忘至三  
司案牘有差老吏不能曉者決於一言皆中其理朝  
廷營造莫不兼領凡奏祥瑞事皆謂及王欽若與焉  
少遊江南遇呂洞賓語之曰君狀貌同李德裕言訖  
不見其後果驗弟誦說諫子珙珣玘珧

馮拯字道濟河陽人太平興國二年登進士第咸平  
中擢樞密直學士明年同知樞密院事景德初改簽  
書明年叅知政事乂之以疾丐罷大中祥符四年知

河南府七年除御史中丞又以疾除戶部尚書知陳州真宗問王旦曰拯屢求閒郡何也對曰馬知節嘗薄拯志在節旄不敢請大藩也天禧四年拜相五年進右僕射仁宗即位遷司空兼侍中天聖初罷相授節制檢校太尉兼侍中判河南府卒年六十六贈太師中書令謚文懿子用已恕已端已誨已稱已勤已行已虛已潔已初拯通判廣州在太常博士彭惟節之上及郊祀覃恩以正言遷虞部惟節遷屯田皆員外郎而自謂與叅知政事寇準有隙上封言其事上為罷準乾興初與丁謂在相位謂獲坐祈拯管免時太后欲殺謂拯言上初即位誅大臣駭天下耳目謂得釋死拯嚴重中人傳宣中書未嘗與坐林特嘗詰第累日不得通既而令至中書卒亦不見

乾隆五十年夏四月二十五日雨愆較訖若溪老人記



乾隆五十年夏四月

若溪